


KAEDI YA BATHO YA TEKANYETSOKABO

"A RE YENG BOKONE BOPHIRIMA"



feed

Finance
North West Provincial Government
Republic of South Africa



LETLHOMESO LA TEKANYETSOKABO YA POROFENSE

GO RENG KAEDI YA BATHO?

Jaaka Lefapha la Matlotlo re itse gore baagi ba Bokone Bophirima ba kgathala thata ka fa Puso ya Bokone Bophirima e dirisang ka teng madi a lona, ke jaaka go phasaladitswe Kaedi ya Batho. Ke ka phasalatso e mo re solofelang go dira gore tekanyetsokabo e fitlhelege le go

tlhloganyega bonolo.

Leanotlhabololo la Bosetšhaba le tlhoka gore batho botlhe ba ba amiwang ke ditlapele tsa tirisomadi ya puso ba tshwanetse ba nna le bokgoni le tšhono ya go bopa Tekanyetsokabo ya Bosetšhaba le ya Porofense.

Kaedi ya Batho e neelana ka lemorago la dikarolo tse di farologaneng tsa Tekanyetsokabo le tsela ya tekanyetsokabo. E baya tsatsing dintlha tse di masisi jaaka ntlha ya gore lekgetho ke bokae le maano a go dirisa madi a Puso ya Bokone Bophirima.

KAGA TEKANYETSOKABO YA BOKONE BOPHIRIMA

Tekanyetsokabo ya 2015 e totile maanomagolo a ikonomi a Porofense e bong Temothuo, Setso le Bojanala (ACT). Go feta moo, gape Tekanyetsokabo e lebelela boitlamo jwa puso ya Porofense go tswetsapele Bokone Bophirima ka tlhano ya ditiro, kgodiso ya ikonomi ya Porofense, tsenyo tirisong ya ditlapele tsa Leanotlhabololo la Bosetšhaba, tokafatso ya neelo ya mafaratlhatlha le matsapa a go fedisa matlakala, bobodu le tshenyo.

Maitlhamo magolo a puso ya Bokone Bophirima ke go baya gape Leano la

Tlhabololo ya Ikonomi selegae ka go tlhoma Letlhomeso la Tirisomatlole ya Pakagare. Diporogerama tsa Tsenyotirisong tse di kaelang ketse di latelang:

- Go neela gape Letshwaokgwebo Go baya gape le Ntshwafatso (RRR)
- Go baya mogopolo mo Temothuong, Setso le Bojanala (ACT jaaka dipilara tsa ikonomi gammo le maphata otlhe go akaretsa meepo go nna melatswana);
- Kagosešwa, Phodiso le Ntshwafatso (RHR);
- Setsokotsane;

- Bua le Puso (BLP); le
- Filosofi ya Tirisanommogo le Kgogommogo (SSP).

Ka diporogerama tse, Puso ya Bokone Bophirima e tlhoafatse go tokafatsa thuto, katiso, itshimololelo, tokafatso ya boitekanelo, mafaratlhatlha a ikonomi, ikonomi ya selegae e e akaretsang e bile e tsenyeletsa, tlhabololo ya lefelo le bodulo, tswetseto ya tikologo, kago ya boagi jo bo sireletsegileng.

MADI A TSWA KAE - MAKGETHO

LETLHOMESO LA MATLOLE A 2015

Porofense e dirisa matlole a Bosetšhaba le Lekgetho la yone la Porofense. Matlole a Bosetšhaba a magolo mme a dirwa go tswa mo Dišheretekano le Dikabelo ka Mabaka. Šheretekano: Se ke lotseno lo lo kokoanngwang bosetšhaba lo lo abelwang Porofense ka fomula ya šheretekano.

Kabelo ya Mabaka: Matlole a a abelwa Porofense go tswa kwa-Tekanyetokabong

ya Bosetšhaba ka peelo mabaka e e rileng. Lekgetho la Porofense:


Se ke lekgetho le le kokoanngwang ke Porofense sekai, la dijanaga, dituelo tsa balwetse, dituelo tsa dilaesense tsa itekolesego le nnotagi.

Letlhomeso la Matlotlo la Porofense lotlhe la ngwaga wa matlotle wa 2015/16 ke dibilione di le R34.224. Šheretekano ke dibilione di le R26.151.


Dikabelo tsa Peelomabaka ke dibilione dile R6.924.

Lekgetho la Porofense ke bilione e le R1.031 le R100 go tswa mo letlotleng la ngwaga o o fetileng la matlotlo a a dirisiwang. Papetlana e e fa tlase e bontsha kabelo ya metswedi e e farologaneng ya lekgetho e e akarediwa mo matlotleng a porofense ka kakaretso:


Lotseno lwa Porofense



Matlole a Bosetšhaba



DITLAPELE TSE DI NEETSWENG MATLOLE MO TEKANYETSOKABONG YA POROFENSE YA 2015



Thuto

- Porogerama tlhabololo ya Bosetlabošweng
- Go tokafatsa boleng jwa thuto
- Go tokafatsa diphoto tsa Dipalo le Saense
- Go tokafatsa taolo le tsamaiso ya dikolo
- Mafaratlhatlha le go fedisa tshalelo morago
- Didiriswa tsa Kettleetso ya Morutabana le Morutwana
- E-Thuto



Boitekanelo

- Boenjenere jwa Tlhokomelo ya Boitekanelobogolo
- Go dira mafaratlhatlha a Boitekanelo go nna a sešweng
- Go Fokotsa Dinako tsaTetelo
- GoTokafatsa Ditirelo tsa Thuso ya Potlako
- Go Tlhomea Ditirelo tsa Katiso tsa Dikgaolo
- Go fokotsa tshalelomorago ya mafaratlhatlha




Katlaatlalo Loago

- Go tokafatsa phitlhelelo ya Tlhabololo ya Bosetlabošweng ya Pele e e tihwatlhwa
- Go thusa ditlamo tse di sa direng lotseno go tlhomea difalana tsa dijo
- Go nolofatsa tseokarolo ya baša mo tlhabololong ya bokgoni
- Go aga ditheo tsa twantsho ya Diritibatsi le Tsosoloso mo didikeng tse pedi
- Go thapa dialogane tsa badiri ba katlaatlalo loago



Tlhabololo ya Temothuo, Tikologo le Lenaga

- Go tokafa tsa pabalesego ya dijo ka Porogerama ya Fetsa Tlala
- Go tokafatsa lefatshe la Temo
- Go netefatsa tswelole ya dikgwebo tsa magae le madirelo
- Go tsenngwa tirisong ga Porogerama tlhabololo ya Temothuo ya Aforika e e Kitlantsweng
- Go tsweletsa mafaratlhatlha le go dirisa didiriswa tsa tlhago ka botswapelo
- Go tsosolosa medutelo ya dithoro ya Springbokpan, Vryhof le Kraaipan
- Lefelo la Ngwaoboswa la Lefatshe la Taung
- Porogerama ya Ntsifatso ya Dijalo



Merero ya Setso le Botaki

- Go aga le go fetsa dilaeborari tsa baagi kwaTlaakgameng, Papi Ntiana le Tshing
- Go tlhongwa ga ditikwatikwe tsa baša
- Go tlhongwa ga difikantswe tsa ga JB Marks le Moses Kotane
- Go rotloedwa ga Moletlo wa Setso le Mmino wa Mahika Mahikeng (Mmabana Arts)
- Go tlhomea gape Setlamo sa Setso sa Bokone Bophirima
- Go tlhomea Setheo sa Phasalatso go thusa Bakwadi ba Popo
- Go rotloetsa Matshwaokgwebo a Mmino wa Setso wa Setswana le Motswako
- Go tlhomea diphaposikgatiso mo didikeng tsotlhe tsa Neelo le tshwaokgwebo gape, Tlhabololo le Tseo gape ya Porofense
- Go agwa le go Tlhabololwa ga Dikantoro tsa Kgotla ya Setso
- Go tlhabololwa ga Motlhogatsela wa Dikgosi mo Porofenseng ya Bokone Bophirima
- Go tshegetsatsa Dikgosi ka meletlo ya ngwao le setso modikgotleng tsa setso


Pusoselegae le Bonno

- Go baya mo maemong gape Koporasi tlhabololo ya Matlo
- Kago ya Setheo saTsamaiso ya Matlhotlhapelo ya Mahikeng
- Go neela Bomasepala dithata
- Go gapa Lefatshe
- Diporogerama tsa Kettleetso tsa mongwe le mongwe tse di Golagantsweng tsa Matlotlo
- Phitlhelelo e e tshepegang e tsweletsa ditirelo tsa bothokwa
- Tsamaiso e e tshabosang ya Matlotlo



Ditsela le Ditiro tsa Setšhaba


- Go thatlosa mafaratlhatlha a Maemelafofane a Mahikeng le Pilanesburg.
- Go tlhomea madirelo a bodirelo jwa ditene tsa go ala ditsela tsa Bomasepala
- Go tlhabolola le go oketsa Convention Center le Setediamo sa Mahikeng
- Diporogerama tsa Ditiro tsa Setšhaba tse di atolotsitsweng
- Mafaratlhatlha a Dikago
- Mafaratlhatlha a Dipalangwa
- Go agwa le go tlhokomelwa ga mafaratlhatlha a tsela go totliwe metse, metsesetoropo le le ditorotswana



Bojanala

- Tsenyo tirisong ya Maanomagolo; leano la Lephata la Bojanala la Porofense; Leano la Bojanala le Setso le Ngwao ya Porofense le Leano la Ditirotsa Bojanala jwa Porofense
- Go tokafatsa Bojanala mo Porofenseng
- Go tokafatsa mafaratlhatlha a Bojanala


KGAOGANYO YA POROFENSE KA ŠHERE KA MAFAPHA




- Kantoro ya Moporimi
- Kgotiapeomolao
- Boitekanelo
- Merero ya Setso le Botaki
- Pabalesego ya Baagi, le Tsamaiso ya Dipalangwa
- Tihabololo ya Ikonomi le Kgwebo
- Matlotlo
- Tihabololo ya Metshameko le Thuto
- Pusoselegae le Bodulo
- Bojanala
- Ditiro le Ditselatsa Bosetšhaba
- Katlaatloloago
- Tihabololo ya Metse, Tikologo le Temothuo

MADI A REKA ENG?

Dithoto le Ditirelo



Dikarologanyo tsa Ikonomi




DIKGAOGANYO KA MAFARATLHATLHA


Kgaoganyo ka mafaratlhatlha e tlaa netefatsa gore ikonomi ya Bokone Bophirima e a gola mme neelo ya mafaratlhatlha e a tokafala. Neelomatlole ya mafaratlhatlha ya MTEF ya 2015 e isa kwa go lemogeng dintlha phisegelo tse dikgolo tse di latelang;

- Go etleetsa neelo matlole mmogo go diporojeke tsa Mafaratlhatlha a Metsi a Mantsi tse di neelwang matlole ke Lefapha la Kgeleloleswe le Metsi.
- Go matlafatsa Mafaratlhatlha a Lefapha la Bodiri mo Mafapheng a Boitekanelo le Thuto.
- Go rarabolola Dikgwetlho tsa Mafaratlhatlha a Ditsela tsa Porofense le ditshalelo morago go totilwe Metse, Metsesetoropo le Ditorotswana;
- Go tsereganya mo tlhokegong ya matlo ya baagi ba batlhokang thata
- Go tshola ditšhono tsa ditiro le go godisa bokgoni jwa therisano le bokontera ka jwa porofense;


Pusetso go Badiri



Dikgaoganyo tsa Mafaratlhatlha



Together moving Bokone Bophirima forward



feed

Finance

North West Provincial Government
Republic of South Africa

2nd Floor
Garona Building
Private Bag X 2060
Mmabatho
2735

Tel: 018 388 3584
<http://www.treasury.nwpg.gov.za>